

Antonieta Ras-Booi a bira ganador di Festival Bernadina Growell-Kock



ORANJESTAD (AAN): Fundacion Bernadina pa medio di un comunicado ta gradici un y tur pa nan aporte na e grandioso festival edicion #7 di cancionnan tipico dedica na nos inolvidabel Mama di Cultura Aruba dfm, Sra. Bernadina Growell-Kock. Ganador maximo di e festival aki cu a tuma lugar diasabra dia 8 di juni den centro di Bario Brazil tabata Antonieta Ras-Booi. Di 2 luga: Mario Kelly Jr.

Di 3 luga: Lucia Thiel. Di 4 luga: Hubert Ras. Di 5 luga.: Daphne Kelly-Martyn. Cantante mas Popular: Jessica Gonzalvez. Un pabien grandi di curason na tur ganado, famia di Bernadina, henter organizacion, Fundacion Bernadina. Palabranan di gratitud ta bai den direccion di voluntarionan, cada un di e participantenan, protagonistanan di e anochi, sponsornan, Aruba Bank cu a yuda cu trofeo-

nan, na Instituto di Cultura, na VIP Radio, na cada director, banda, musico, cantantenan, cuerpo di hurado, ekipo di zonido, maestro di ceremonia, reinanan, grupo di baile, prensa y publico en general. E tremendo aporte di un y tur a garantisar e exito di un edicion #7 di e Festival, cu yen di ambiente y colorido.

Sigui lesa pag. 25





Continuacion pagina. 24

Durante e anochi a corona nan diferente Reina di cultura. Fundacion Bernadina a corona su reinanan.

1. Ivy Anne Brayson: reina chikitin 2. Genisha Angel: reina dama cultural 3. Giannine Wester-Orman: reina gran dama cultural y despues 4. Lilian Koolman-Besselink: dama grandi cultural. Grupo di baile Danza

Aruba tambe a corona nan bunita reina den persona di Gladys Ignacio.

Special palabra di aprecio y gratitud ta bai tambe pa 4 hobennan cu a participa na e festival: Ivy Ann Bryson, Edyliene Nicolaas, Javinah Besselink y Priscilla Quandt. Masha danki tambe na Daniel Willems pa su bunita presentacion.